

Jen Alelie Coronel-Camitan
(Pedped ioon juon bwebwenato emool)

Bwebwenato in ekar bōk jikin ilo Philippines.

Ilo an Marius etal ñan m̄weo im̄ōn, ej roñ an armej ro kōnono lowaan. Ekar alimōmoō ilo wūnto eo.

Ikōñaan jeļā wōn e ijin, ekar jōm̄nak. Jinen ekar jokwe ilo bar juon laļ kōn jerbal, im ekkā an e wōt im Lola (Bubu) ilo m̄weo.

Ekar kōppell̄ok kōjem̄ eo. Aolep ro m̄ōttan raar pād ijo!

“Surprise!” rekar ba.

“Kōm ekar kōñaan kam̄ōñōñō ippam̄ kōn medal eo am̄ kwar bōke ilo kampiit in Taekwondo,” Jose ekar ba, lukkuun eo m̄ōttan Marius.

“Ij m̄ōñōñō kōn eok.” Jibūn ekar keentok Marius kōn juon atabōkwij eļap. “Jinōm̄ e ilo taļe-boon! Ijeļā ke ekōñaan roñ men otemjeļ kōn medal eo am̄.”

Ālkin an m̄ōj an Marius kōnono ippān jinen, e im ro m̄ōttan rekar



m̄ōñōñō ilo bade eo. Rekar limo ilo aer kōnono im m̄ōñā m̄ōñā ko renno jibwin ekar kōmatti.

“Kokōñaan ke bowling ippa ilju?” Jose ekar kajjitōk m̄okta jān an kar etal.

“Aet!” Marius ekar ba.

Ilo boñ eo m̄okta jān kiki, Marius ekar jar. “Jemedwōj Ilañ, ij kam̄poolol Eok kōn Am̄ letok ñan eō ro m̄ōtta im baam̄le eo aō rem̄-ḡan. Jouj im kōjeraam̄ḡan jinō ilo

an ettol̄ok. Im jouj im kōjeraam̄-ḡan eō bwe in limo ilo ikkure bowling ippān Jose ilju.

Bōtaab raan eo tok juon, Marius ekar jab etal im bowling. Juon jañ in wōt eļap ekar waļok, im aolep armej rekar pād wōt lowaan m̄ōko. Marius ekar jijet ilo m̄weo, roñjake an eļļōļļō borḡwaj in m̄weo kōn wōt. Ekar kōñaan bwe en loe Jose.

Ekar wōt wōt, ium̄win jilu raan. Iaļ ko rekar ibwijlelep kōn dān. Jet em̄ ko ilo bukwon eo an Marius rekar barāinwōt ibwijlelep.

Tokālik Marius ekar loe jibūn ilo jikin m̄ōñā eo. Ekar kōmat juon m̄ōñā elukkuun enno bwiin.

“Ta ḡe kwoj kōmatte?” ekar kajjitōk.

“Ij kōmat m̄ōñā ñan jet baam̄le ilo ward in ad,” ekar ba. “Eibwijlelep m̄ōko m̄weer, kōn menin bisop ekar kajjitōk bwe in jipañ.”

Marius ekar jōm̄nak kōn Jose. “Jemaroñ ke kōm̄ḡan m̄ōñā ñan baam̄le eo an Jose? Remaroñ bar aikuj jipañ.”

“Juon jōm̄nak em̄ḡan,” jibūn ekar ba.

Marius ekar kōmattee jidik rice im lep būrae ñan Jose im baam̄le eo an. Innām jipañ jibwin pāāki m̄ōñā ko.

Āliktata ekar bōjrak wōt. Marius im jibwin rekar etal bwōļōn dren ko ļok ilo iaļ ko ñan bokļok m̄ōñā ko. Dān eo ekar tōpar bukien neen Marius!

Rekar loe Jose im baam̄le eo an rej jutak nam̄ōjen m̄weo m̄weer. Jose ekar jañ.

Marius ekar atabōkwij jaddik eo m̄ōttan. “Joļok bwōd bwe eibwijlelep m̄wem̄ōm̄,” ekar ba. “Jisōs ej iakwe eok. Im kōm̄ij barāinwōt.”

Ippān doon Marius im Jose rekar jipañ karreoiki men ko

rebedkat ilowaan m̄weo m̄ōn Jose. Marius ekar al “Ña nejin Anij.” ilo aer kar jerbal. Ke rekar bōjrak im kakkije, Marius ekar leļok ñan Jose m̄ōñā ko ekar kōm̄-ḡani ñane.

“Kom̄pool kōn am̄ jipañ baam̄le in aō,” Jose ekar ba. “Im kom̄pool kōn m̄ōñā ke! Enno.”

“Kwon jouj,” Marius ekar ba.

“Kwoļak lale komaroñ ke ba ñan eō eļapļok kōn Jisōs? Im al eo koļakkar al kake?” Jose ekar kajjitōk.

“Aeet!” Marius ekar ba. “Kokō-ñaan ke itok im jar ippa Jabōt? Ej ijo in ij ekkatak kōn Jisōs. Im jemaroñ bar al ippān doon.”

“EMMAN,” Jose ekar ba.

Marius ekar eñjake okmeenen itulowa. Eaar m̄ōñōñō bwe emaroñ kar jipañ Jose im baam̄le eo an. Im ekar m̄ōñōñō bwe emaroñ bar kwaļok gospel in. ●

OBRAK KŌN IAKWE

